



Sujet 06: Au mir sin derbi

Chappi, Bregy, Sutter so hän d' Stars vo domols ghäise
Unseri Nati-Buebe dörfe jetzt noch Dütschland räise
Hoffentlich spiele si dört denn au guet
Und zwar besser als dr Sutter moderiere duet

Gägä Togo träte mir in Dortmund a
Südkorea isch denn in Hannover dra
Aber eins isch sicher und dört gänn mir au volli Kanne
Und haue in Stuttgart d'Franzose voll in d'Pfanne

Mi emene Bierli vorem Fährnseh sitze
Oh wie freu i mi uf die WM Zyte
I hoff nur mini Frau isch denn nid do
Wo immer schrei: "go Zubi go"

Noch em Spiel isch vor em Spiel säit dr Köbi immer
I ha do so e Vorahnig und die wird immer schlimmer
Die wän verliere, schäissegal die göhn ufs Ganze
Nur dass sie nid mien mit em Schmid in dr Duschi go tanze

Sturm, Mittelfäld alles klar
Au d'Verteidigung isch wunderbar
Nur für ins Goal mien mir no eine finde
Oder dä wo jetzt drin stroht ane Leine binde

Dr Sport veränderet d'Wält
Nid nur d'Politik und s"Gäld
Mir sin an dr WM, alles jublet, die Geile sowie die Fromme
Und sogar die vo dr SVP singe: "Deutschland wir komme"

Dr Frei dr Alex wird vom Goal schiesse niemols satt
Als Schüeler sin mir mit Ihm z'Oberwil ins Hüslimatt
Nach de Mätsch hän mir ihn amigs gseh umehingge
Aber sicher nie e Rivella dringge

Berlin, Finale, viertel ab Zähni jetzt isch es so wit
I leg mini Hand ufs Härz und sing lut mit
Drei zu Null gege Brasilie, d'Nati het alles chöne erräiche
Schaad, es isch jo nur e Traum gsi und jetzt gang i go säiche

D'Spezi Giftschnägge 2006
www.dspezi.ch